



# ka'a chi jo'one tochi jiyaduy nuku bii

¡Adi du'un iña kadi kuto'o ama ka'a chi jóne tochi jiyaduy nuku bii!





## ¿Adea chi ITS?

Chin ama ka'a chi kadi kabne iña tochi jiyaduy nuku ama iña cha atika kane ka'ami iña.

**Chi ITS chun jikoba nuku nenoo chikaya chi gua injobe chi ditinkonu.**

**ITS jito'o iña chi gua jinay tochi jiyaduy nuku bii**

- **Candidiasis** (Jii kuaa num ama chintiy)
- **Pedikulosis púbika** (iti kaya chi itnut noo kanta ñeey)
- **Ka'a kuu ñee** (VPH) Chin ama ka'a chi jone niku ni nee ka ñee ama 100 chi jidi chi jone niku chi gua injobe chi ditikonu. Bea naobe chi tukun kadi di chi kutoo kánser a ditinu ñuu. Nichi kuto'o ka'a kuu noo kanta ñeey ajii ñeeti tochi tika kadi kunó ka'am chetey, niku kadi chi kunentu dantuy.
- **VIH/SIDA** Diko VIH jidi chi kadi kutö SIDA, jo'one ka'a kuu iña tochi jiyaduy nuku bii, chi kóoy ñuu ñeey, chi jitubiy ini chi nitubi tama iña nuku chi tochi kunño ama lii nii guan tochi kó'oy kuku dayay. Ka'a kuu jito'o num amay, chaa tikan iña chi kane chuu iñan kadi kuto'o kánser iña.



## Jo'one


Ka'a kuu jóne ama iña nuku tamay kabchi (tochi jiyaduy nuku bii). Tochi ñoo nata nuku so'o jiyaduy nuku bii kadi chi kani kuto'o ka'a iña nuku chi gua jinujinuy adea jidiy.

## Ka'a chi jo'one iña tochi jiyaduy nuku bii

- **Sífilis:** Ka'a jóne chi jidii ama chi gua jinoy chi jiditubu, noo kanta ñeey, nuku chintin. Jito'o náta nuku so'o. Ama chi dii cha'a kubdeanuy chi naa ka'a iña chin kanoo ama nubii noo kanta ñeey. Nichi gua dibe a diy ñee, kadi chi kuni cheete to'oy nuku ko'oy.
- **Gonorrea:** Chin jidi ama chi gua jinoy chi jiditubu náta nuku so'o. Chi so'o kadi kuenus chi kanta kakas nuku chi'i so'o, nichi gua dijikus so'o kadi kubnitú so'o num ama noo kanta ñees. Diko chi ñee náta kadintu chi kubnitú to'o, niku koo kaka mo'o ñuu chetéta. Bea noo kuon jino núni kuo nuku kuee noo kanta ñeeta.
- **Tricomonomiasis:** a cha kutoo ka'a kuu, chi náta jitoko jikeadea noo kanta ñe'eñ niku jineñ nuu nuni kuo nuguan kue niku kava jee nuku chi jinutu iña, chi chi yaji ñeeñ tochi jitabiy nuku bii, chi jidi chi jone ka'am tamañam. Bea nokuon kadi kubnitú noo kanta ñeey niku jii yakubi ñeeñ tochi kantay.

## Chi diin kudadu nii

- Tubiy ama chi kune chi gua kutó ka'a iña tochi jiyaduy nuku bii.
- Kuun tikan niku nichin insi tumin kadi chi kubdeanun ataka kanen.
- Gua tubin ama chi jidideabe iña nuku diko (chi jinantiy iña, tiinu chi jinumoo, chi jinbay no'oy nuku chi jinanuy diñuy)
- Nandideabey noo kanta ñeey.
- Koöy nuku so'o deanu nichí ka'a jii ñee noo kanta ñeey.



**Diko chi na'a ITS chin gua chi ñee kunooy. Neechi kued kubned dii.**

Nii ne'ed kadinud ñee nukue ka'a ku'u kadi nichid noo "Chi kue'ed kuned jiiñede nuku did ntiñu", chi kane noo INEA. Niku kadintu nanun noo kuú deanu: <https://bit.ly/2IPCSSc>



GOBIERNO DE  
MÉXICO

EDUCACIÓN  
SECRETARÍA DE EDUCACIÓN PÚBLICA

INSTITUTO  
NACIONAL PARA  
LA EDUCACIÓN  
DE LOS ADULTOS